

مؤسسات محلية خاصة
استمارة مسرحية

مسرحية رقم (٥٦)

اسم المسرحية : عكر حرامي

تأليف : عبدالواحد محمد

إخراج : فهد الباك

إنتاج وتقديم : فايف ستار للإنتاج الفني

مكان العرض : مسرح سيف الدوحة

تاريخ العرض : ٢٠٠٦/١/١٠ عيلا رضى اطبارك ١٤٢٦هـ

عدد العروض : ٧ عرض

عدد الرواد : ٢٤٥٠

ملاحظات : مسرحية للأطفال

مؤسسة محلية خاصة

عبدالله
وحدة التوثيق

مسرحية الأطفال

مجدود

+

عسكر

+

حرامي

تم عرض هذه المسرحية على خشبة مسرح سينما الدوحة
بمقامه اول ايام عيد الاضحى المبارك ١٤٢٦هـ
الموافق الثلاثاء ١٠/١/٢٠٠٦م

تأليف : عبدالواحد محمد

وجدة التوفيق

مسرحة- عسكر حرامي		
الفصل الاول		
الديكور عبارہ عن صالہ بیت سلطان الطیب ..تبدأ احداث المسرحية على استعراض في معسكر للشرطة ونرى من خلال الاستعراض الاب سلطان وهو القائد الذي يتولى تدريب المجموعه في المعسكر تدريبا قاسيا.. ومن ضمن المجموعه يكون ماجد الذي يامره القائد بالقفز من فوق النار ولكنه يرفض ويهرب فتجري الشرطة وكلاب الصيد خلفه.. يدخل ماجد على المسرح بملابس النوم وقد صحى على هذا الكابوس..		
هدوني.. هدوني.. انا خايف مابي اقفز اخاف النار تحرقني ..هدوني انا ما احبكم.. ما حب الشرطة..(تدخل نوره مسرعه)	:	ماجد
ماجد.. ماجد .. اشفيك ياخوي.. اشصاير	:	نوره
وخري عني .. هديني..روحي وخري احسن لج ..	:	ماجد
اشفيج يا ماجد .. كلمني انا اختك نوره	:	نوره
(صارخا).. وخري عني اقولج..(يدخل الاب)..	:	ماجد
خير خير اشفيكم .. اشصاير يا عيال	:	الاب
نوره تعال شوف اخوي ماجد يايبه مادري اشفيه.. قايم من	:	نوره

		النوم متخرج..
الاب	:	ماجد.. بسم الله الرحمن الرحيم.. اشفيك يا ولدي
ماجد	:	اقولكم وخروا عني.. انت الشرطي العود اللي قلت لهم ايقطنوني في النار.. تببهم ايقطنوني في النار..
الاب	:	لاتخاف يايبه محد بيقطك في النار انت الظاهر انك حلمان قوم يايبه روح غسل ويهك وتعال تريق. قوم.. (يخرج ماجد)
نوره	:	اشفي ماجد اخوي يابه
الاب	:	مافي شي بس الظاهر كان حلمان .. روحي سوي لنا ريوق يايبه اليوم ابي اكل اريوق حلو من يد ابنيتي الحلوه
نوره	:	هاه.. انا اسوي ريوق
الاب	:	أي عيل تبيني انا اللي اسوي الريوق.. يلا خلي عنج الكسل كل يوم اخليكم اتنامون الين تشبعون نوم.. لكن من اليوم ورايح لا.. شغل البيت كله بيطيح على روسكم الين ترجع الخدامه من السفر..
نوره	:	بصراحه يبه انا ما عرف اسوي ريوق
الاب	:	اشلون.. وليش يعني حضرتج ماتعرفين اتسوين ريوق
نوره	:	محد علمني
الاب	:	لا.. والمدرسه اللي اتروحونها كل يوم شتعلمكم.. بابا وماما

		مانبغيتها.. هذي احنا بنعلمكم اياها في البيت.. اذا بيضه وكوب شاي ما علموكم في المدارس.. اشعلموكم عيل يلا امري لله ادش المطبخ بروحي.. لكن من باجر الصبح اتدشين معاي المطبخ واتعلمين ..
نوره	:	انشالله بيه
الاب	:	عيال الانترنت والكمبيوتر اشعرفكم اتسون بيض وطماط (يدخل المطبخ.. يدخل ماجد.. ويجلس يدخل الاب ومعه اكواب الشاي).. هاه مايبي له شي الماي امصخن في البراد وبارز والبيضتين تكسرينهم واتقطينهم في الطابي مع اشوية دهن.. وهاي الجبن.. وهاي الخبز.. بعد الريوق اشيبني له خاروف اهو.. (ماجد يمد يده لياكل الخبز).. اصبر.. اصبر الين البيض يستوي اشفيك ماشايف خير.. قومي.. قومي يانوره يابنيتي روعي المطبخ وهاتي البيض لياكلنا اخوج شكله ميت من الروع..
ماجد	:	انا باروح بيه نوره يبي لها ساعه لين اتسوي الشي.. (يدخل ماجد المطبخ)..
الاب	:	شفتي يالكسلانه اخوج طلع اشطر منج.. لكن من باجر الصبح تدخلين معاي المطبخ وتعلمين.. مفهوم

نوره	:	حاضر ييه..(يرن جرس الهاتف)..
الاب	:	الو...عليكم السلام..يا هلا يا مرحبا..حيا الله عسكر اشلونك شخبارك انشالله طيب. اشلون العيال انشالله طيبين..لا متى انشالله..دوره تدريبيه زين ياريال بنشوفك..شتقول بتتصل من الفندق اول ماتوصل.. انت الظاهر تبي اتر عني منك يا عسكر.. اتروح تسكن في فندق وبיתי موجود لياخوي اسمح لي . ماعلي منك على حساب الدوله ولا غيره ان رحت مكان ثاني باز عل عليك لاتعرفني ولا اعرفك.. خلاص تلقاني ناظر في المطا بيتي مع السايق خلاص عيل بانطرك في البيت مع السلامه توصل بالسلامه انشالله..وين راح اخوج ساعه ايحطون بيظتين في صحن..(صوت تكسير مواعين).. الله يستر اش سوى هالولد..(يدخل ماجد وقد وضع البيض في صحن كبير الحجم)
ماجد	:	اتفضلوا اكلوا احلى بيض في حياتكم
الاب	:	ماشالله عليك يا ولدي..ماشالله عليك..يايب لي البيض في غنجه..
ماجد	:	شاسوي ييه حطيت البيض في صحن صغير حرق يدي وانكت على الارض قمت وخذته وحطيته في هالصحن

الاب	:	طايع على الارض وتبيننا ناكله
ماجد	:	غسلته يبه.. نظيف مافي شي.. غسلته بالمائي وصخنه مره ثانيه في الطابي وحطيته في هالصحن وييته لكم.. اكلوا عليكم بالعافيه..
الاب	:	اكله بروحك و عليك بالعافيه..(نوره تضحك)..
ماجد	:	تضحكين مستانسه.. جنج اتعرفين اتسوين شي الحين يالكسلانه..
نوره	:	على الاقل احسن منك
ماجد	:	في شنوا احسن مني.. بنيه ولا اتعرف اتسوي حتى بيضه
الاب	:	خلاص لاتعايون.. واسمعوا اشباقول لكم.. انتي سمعتيني يانوره وانا احاجي الريال في التلفون.. تره انا اليوم يابني ظيف..
ماجد	:	من هالظيف يابيه
الاب	:	واحد من ربعي امطر شينه شغله دور ه اهني عندنا.. وانا قلت له ايبات عندنا في البيت.. عشان جذي ابيكم انتي واخوج يانوره اتبيضون ويهي جدام الريال.. انا عارف الخدامه مسافره وشغل البيت كله بيكون طايع على روسكم.. لكن ادري انكم قدها وقودود.. الحين اول

		ماتخلصون اريوكم مابي اشوف العفسه هاذي ابيكم اتخمون البيت وتنظفونه زين مازين..وانت ياميود خلك عاقل جدام الريال وعن الشطانه الزايدة..
نوره	:	بس احنا مانعرف انخم وانظف ياييه
الاب	:	ادري انكم ماتعرفون..لانكم تعودتوا على الكسل والنوم..تعودتوا كل شي اتسوي لكم الخدامه شوفوا البيت اشلون صاير..كل شي مقطوط ومنثر ليش جذي ياييه.. ليش ماتتعلمون تعتمدون على انفوسكم..رتبوا ثيابكم.. حافظوا على نظافة بيتكم..تره الخدم هاذيلا مب دايمين لنا يا عيالي..يلا خلصوا اريوكم انتي وياه انا طالع عندي اشغيله صغيره باخلصها وراجع ابي اشوف البيت نظيف ويلمع مثل المنظره
نوره	:	انشالله ياييه .. بس قول حق ميود ايساعدني
الاب	:	اكيد بيساعدج.. وان ماساعدج اتصلي فيني خل انادي له الشرطه ايودونه الحبس
ماجد	:	لايبه الشرطه لا الله ايخليك.. باساعدها صدقني باساعدها
الاب	:	ماتبون شي قبل ماطلع
نوره	:	سلامتك ياييه..(يخرج الاب..نوره تقوم ببعض الاعمال

		المنزليه دون درايه وعلم وماجد جالسا يضحك عليها).. قوم ساعدني بدال مانت يالس تضحك.. انت ماقلت حق ابوي بتساعدني
ماجد	:	يلا زين اساعدج
نوره	:	ميود قوم احسن لك تره باتصل في ابوي الحين
ماجد	:	انا ولد المفروض ماسوي الشغل ذي
نوره	:	ياسلام شتسوي عيل.. اكل ونوم ولعب وبس..(يرن جرس الباب)..قوم روح شوف من عند الباب
ماجد	:	انا مالي خص روجي انتي افتح الباب..(يفتح جهاز التلفزيون..يسمع صوت سيارة شرطه يقلقه بسرعة).. يماه شرطه..
نوره	:	اقولك روح افتح الباب اشفيك اصمخ انت ماتسمع.. اف ولا منك فايده..(تذهب وتفتح الباب.. يدخل ابن عمهم رشود واخته مريم)..
راشد	:	هاي.. احنا وصلنا مفاجاه مب جذي
ماجد	:	ياسلام احلا مفاجاه..
راشد	:	وبنبات عندكم كم يوم عشان ابوي وامي امسافرين
ماجد	:	ياسلام.. عيال عمي راشد ومريم بيباتون عندنا يانوره..

راشد	:	ياه اشعندكم انتظفون البيت.. عزيمه
نوره	:	لا عزيمه ولا شي
مريم	:	اشفي بيتكم جدي معفوس
نوره	:	مافي شي بس احنا كنا انعدل وانرتب البيت
مريم	:	جدي ايعدلون وايرتبون
نوره	:	سكتي ابوي عنده ظيوف وخدامتنا مسافره وطاحت البلوه في روسنا احنا
مريم	:	ولا ايمهج يانوره احنا بنساعدكم يلا رشود قوم انساعدهم
راشد	:	ياه احنا يايين اهني نشتغل
نوره	:	رشود يلا قوم ساعدنا انت وميود
الاثنان	:	احنا مب قايمين ولا بمشتغلين
مريم	:	وليش مب مشتغلين
الاثنان	:	علشان هادي مب شغلنا
نوره	:	ياسلام عيل شغل من
الاثنان	:	احنا رياييل وهاذي شغل حريم
البنات	:	زين عيل احنا بنراويكم. (تحضران الماء وتسكبانه عليهما ..وتجبرانهما على العمل من خلال اغنيه تعبر عن ذلك وتحث الطفل على الاعتماد على النفس في القيام بالاعمال المنزليه

		وعدم الاتكال على الخدم..ونرى من خلال ذلك بعض المواقف المضحكة التي تصدر من ماجد وراشد..بعد نهاية الاغنية)
نوره	:	بل مابغينا انخلص..مشكورين يا عيال عمي ما قصر توا
راشد	:	العفو.. العفو.. لاشكر على واجب
نوره	:	عاد انتة اسكت ماسويت شي
راشد	:	انا ماسويت شي.. سامع ياما جد اختك شتقول انا ماسويت شي.. معليه بتقولون مره ثانيه تعال ياراشد نظف البيت معانه..
نوره	:	اوه .. يلامريم خل انروح حجرتي نرتاح اشوي
ماجد	:	اشدعوه ماتبون تقعدون معانه
نوره	:	احنا بنات ولنا سوافنا الخاصه..(تدخلان غرفة نوره)
راشد	:	واحنا صبيان ولنا سوافنا الخاصه.. روحوا مانبيكم..تعال ميود بيت لك معاي خوش فيلم ..رسوم متحركه تعال انشوفه..(يضع الفيلم في الفيديو)..اتصدق واحنا يايين في الطريق شفنا حادث ايخوف..سياره عوده منقلبه وناس متيمعين وسيارات شرطه اشكثر..
ماجد	:	(صارخا).. لا.. شرطه لا..(يبكي)..جم مره قايلك رشود لاتيب طاري الشرطه جدامي ماحبهم..اخاف منهم..

راشد	:	اوه نسيت انك متعقد من الشرطه.. انت اشحقه اتخاف من الشرطه..
ماجد	:	اقولك لاتييب طاري الشرطه جدامي وخلاص.. يشغل الفيلم خل انشوف
راشد	:	مب امشغل الفلم لانك بتخاف ياميود
ماجد	:	اشدعوه اخاف من شريط
راشد	:	بتخاف من الشرطه اللي في الشريط لانه الفلم اسمه اكاديمية الشرطه
ماجد	:	هاه.. لالا.. جان جزي بس خلاص مابي اشوف الفيلم.. خل انشوف لنا شغله ثانيه
راشد	:	والله ملل الواحد مايدري وين ايروح في هالاجازه واشلون يقضي وقت فراغه..
ماجد	:	بعد زين اللي بيتوا عندنا احنا بروحنا متمللين
راشد	:	تعال زين انشوقف الفلم اشفيك انت خواف
ماجد	:	لارشود ارجوك.. الله ايخليك لاتشغل الفلم انا اخاف
راشد	:	صدقني فلم عادي مايخوف.. (يشغل الفيديو.. ماجد يضع يده على عينه خائفا.. نشاهد مقطعا من اكاديمية الشرطه)..
ماجد	:	رشود بند الفيديو.. الله ايخليك بند الفيديو.. (صوت سيارة

		شرطه)..لا..لا..لا..(يهرب ويدخل غرفته مذعورا وراشد يضحك..تدخل نوره ومريم)..
نوره	:	اشفيكم ياراشد ليش ميود اخوي ايصارخ
راشد	:	(ضاحكا)..خر عته..شغلت له فيلم اكاديمية الشرطه خاف وشرد..
مريم	:	رشود ليش اتسوي جذي انت تدري ان ماجد خواف.حرام عليك ليش اتخرعه
راشد	:	انا اول مره في حياتي اشوف انسان ايخاف من الشرطه
مريم	:	أي والله صبح ..اشفي اخوج كله خايف من الشرطه
نوره	:	هاه..(تبدو هي الاخرى خائفه)..ما..ما..مادري..مادري اهوه من زمان جذي..تعالى انروح انشوف التلفزيون ..(يدخل الاب)..
الاب	:	ماشالله..ماشالله .. البيت نظيف ويبرق.. عفيه على عيالي الشطار.. ايه هذي النظافه ولا بلاش..
نوره	:	يبه احنا مب بروحنا اللي نظفنا البيت حتى مريم وراشد ساعدونا..
الاب	:	زين بارك الله فيهم
نوره	:	يبه مريم وراشد بيباتون عندنا لانه امهم وابوهم امسافرين

الاب :	عندي خبر كلمني عمج في التلفون حياهم الله يايبه والبيت بيتهم..انشالله بس ميود مالعوزهم
نوره :	مالعوزهم ييه.. اكوه يالس في حجرته مع راشد
الاب :	زين اشوه عيل..(يرن موبائل الاب).. الو نعم..اي معاك هلاعسكر ووصلت زين الحمد لله على السلامه.. اشفيك ضيعت البيت..اشلون..لالا..ثاني لفه على اليسار..نعم.. رقم البيت 9 حياك الله.. نوره يلا ييه روحوا استعدوا علشان ظيفنا وصل
نوره :	انشالله ييه..(يدخل الجميع للداخل ويخرج ماجد وراشد)..
راشد :	اوه خلاص عاد ماجد باتم ساعه اتعذر لك علشان اتسامحني..
ماجد :	رشود قلت لك خلاص لاتكلمني انا زعلان منك ومابي اكلمك ولا بسامحك
راشد :	او عدك اني ماخر عك مره ثانيه
ماجد :	انتبه كله اتقولي جذي وبعدين اتخر عني
راشد :	صدقني هاذي اخر مره
ماجد :	اكيد
راشد :	اكيد بعد اشتبي

ماجد	:	زين بنشوف..(يدخل الاب)..اسمع يا ولد انت وياه بعد اشوي بيوصل الظيف ابيكم اتكونون عاقلين ومحترمين وياه.. مفهوم
الاثنان	:	مفهوم..(تدخل نوره ومريم وتجلسان)
الاب	:	ها يابنات كل شي جاهز.. برزتوا الشاي والقهوه
نوره	:	كل شي بارز يبه..(يرن جرس الباب)
ماجد	:	خلني يبه انا باروح افتح له الباب..من عند الباب..(صوت من الخارج)..
الصوت	:	لوسمحت هاذي منزل سلطان عبدالله الطيب..(راشد ينظر من العين السحريه في الباب خائفا ولايرد)..
الاب	:	يه.. اشفي اخوج انطرم جذي عند الباب مره وحده.. ليش مايرد عالريال.. نوره روعي يبه شوفي شالسالفه..
نوره	:	حاضر يبه..من عند الباب
الصوت	:	لوسمحتوا هاذي بيت سلطان عبدالله الطيب..(نوره تنظر هي الاخرى من العين السحريه وهي صامته لاترد)..
الاب	:	لاحول ولا قوة الا بالله بالله .. اشفيكم يا عيال..(يذهب ويفتح الباب.. يدخل شرطي بملابسه العسكريه)..
ماجد ونوره	:	في بيتنا شرطي..(يهربان).. (نهاية الفصل الاول)

		الفصل الثاني
		تبدا احداث الفصل على نفس الديكور.. اغنيه تعبر عن خوف ماجد ونوره من وجود الشرطي في المنزل..بعد نهاية الاغنيه.. يدخل راشد بحذر..
راشد	:	ميود تعال محد اهني .. جنهم راحوا اينامون.. خلنا انروح نرقد.. تراك تعبتتي معاك ميود
ماجد	:	اشلون تبي ارقد وفي بيتنا شرطي
راشد	:	كيفك عاد في بيتكم شرطي ولا حرامي انا تعبان وباروح انام..
ماجد	:	لا راشد الله ايخليك لاتخليني بروحي انا خايف ابي الشرطي وايوديني السجن
راشد	:	واشحقه ايوديكي السجن انت شمسوي..(يدخل الاب وعسكر من خلفهم بتلصص)..
الاب	:	هاه .. صدناكم .
عسكر	:	وين بتشردون مني الحين
ماجد	:	رشود .. اشرد .. اشرد بسرعه يار رشود اشرد..(يهربون لغرفة ماجد.. الاب والشرطي عسكر.. يضحكان)..

الاب	:	ما في فايده لاتعب نفسك يا عسكر.. من الصبح ولا حنا بقادرين انصيدهم.. كلما طلعا اشرودوا ودشوا الخرفه..
عسكر	:	بصراحه يا بوماجد انا مستغرب من عيالك ليش مب راضين ابيون عندي ولاحتي سلموا علي.. وكلما شافوني ايتخششون.. لا واول ما فتحو الباب وشافوني اشرودوا جنهم شايفين عفريت..
الاب	:	والله ياخوي علمي علمك.. حتى انا عيزت كثر ماروح لهم تعالوا يا عيال سلموا على عمكم عسكر. قعدوا مع الريال يبي ايشوفكم.. ولا براضين يفتحون لي الباب ولاحتي ايردون علي.. من شافوك طلعت اشرودوا وانخشوا في حجرهم مثل ماشفت..
عسكر	:	تعال تذكرت شي الحين.. انا يايب لهم معاي العاب وهدايا.. يمكن لودروا عنها يطلعون..
الاب	:	أي والله خوش فكره.. هات عطني انا باوديها لهم.. يمكن اذا اسمعوا هدايا والعب يفتحون لنا الباب.. (يذهب ويطرق الباب).. ماجد.. نوره افتحوا الباب يايبه عندي هدايا والعب يايبها لكم عمكم عسكر.. (صوت ماجد من الداخل)

ماجد	:	حطها عندك بناخذها بعدين
الاب	:	يعني ماتبون اتشوفونها الحين
نوره	:	حطها عندك بناخذها بعدين
الاب	:	ولاتبون اتشوفون عمكم عسكر
الاشنان	:	ولانبي انشوف عمنا عسكر
الاب	:	بل اشدعوه جنهم متفقين
عسكر	:	خير انشالله انشالله ..خلهم براحتهم ياابوماجد .. ودني الجمعيه الحين محتاج اشوية اغراض بس نرجع اشوف هالموضوع..(يخرجان..تدخل نوره ومريم)..
نوره	:	الحمد لله مابغي يطلع
مريم	:	اشفيج يانوره الحين احنا انعيب على ميود طلعتي انتي اخس منه..من الصبح واحنا على هالحاله.. محبوسين في هالحجر ولا حتى قادرين نطلع انتنفس اشوي..
نوره	:	ماقدر اطلع من الحجره طول ماهاالشرطي موجود في بيتنا..خل انشوف اشيايب لنا.. ميود وينك تعال انشوف الهدايا اللي يايبها لنا العم عسكر..(يدخل ماجد وراشد)..
ماجد	:	افتحوا الخريطه خل انشوف اش فيها..(تفتح نوره ومريم الاكياس.. فيجدون فيها ملابس وسيارت شرطه).. ملابس

		شرطه.. شفتوا اشياب لنا .. ملابس شرطه.. (يعيدها في الأكياس).. هادي اكيد قاصدها
نوره	:	هذي اكيد يبي ايخر عنا وايننا
مريم	:	واشحقه ايخر عكم وايننكم.. الريال مسكين ماسوي شي غلط..
ماجد	:	اشلون ماسوي شي غلط.. كل هادي وانتولين ماسوي شي غلط..
راشد	:	سمعي يانوره انتي واخوج تراكم ييننتونا .. بعدين معاكم
نوره	:	ارجوك ياراشد احنا محتاجين لكم وقفوا معانه ساعدونا
مريم	:	انساعدكم على شنوا
ماجد	:	احنا لازم نطرد عسكر من البيت
مريم	:	اشفيكم انتوا تطردون الظيف من بيتكم صج ماتستحون
ماجد	:	أي احنا مانستحي المهم مايتم عسكر ساكن في بيتنا
مريم	:	انا اقول اتخلون الريال في حاله ولا اتعورون روسكم معاه
نوره	:	انتوا اشفيكم يامريم ماتبون اتوقفون معانه.. احنا مب عيال عمكم..
ماجد	:	والمثل ايقول انا واخوي على ولد عمي.. وانا ولد عمي

		على الغريب..
راشد	:	خلاص يبه لاتر علون احنا معاكم.. لكن فهمونا شللي تبون اتسونه بالضبط..
ماجد	:	انطفشه من البيت قبل مايطفشنا.. بس بطريقه مؤديه..
مريم	:	اشلون يعني
ماجد	:	تعالوا معانه واحنا بنقول لكم اشلون.(اظلام+ فاصل موسيقى او اغنيه الخطه التي تعبر عن تطفيش عسكر.. يدخل عسكر من الباب فينسكب عليه ماء من الاعلى يدخل للداخل دون ان يهتم.. بعد ان يدخل الغرفه تنفجر خلفه بالونه فلا يهتم يقف على المسرح يفكر نسمع صوت همسه مسجلا)..
عسكر	:	لا.. انا المفروض ماسكت.. لازم ابين لهم انهم اقدروا ينتصرون علي علشان اقدر انفذ خطتي بالشكل الصحيح (يدخل الغرفه.. تدخل المجموعه)
ماجد	:	اشبلاه هالعسكر مايحس ولايخاف
راشد	:	اشدعوه تبيه ايخاف من نفاخه.. بيا انت اصلا كل خططاك فاشله..
ماجد	:	يلا عطنا من افكارك الجهنمية يا عبقرى
راشد	:	شوفوا الحين عندنا خوش فرصه قبل مايي ابوكم.. انسوي نفسنا ينانوه وانيننه وانخليه يشرد من البيت اشرايكم

نوره	:	ياسلام خوش فكره.. صج انك عبقرى يارشود
مريم	:	معليكم منه هاذى الفكره بايقها من مسلسل اكاديميه الشرطه..
ماجد	:	(صارخا بخوف)..لا..لا.. قلنا لج لاتيبين طارى الشرطه جدامنا
مريم	:	خلاص اسفه والله اسفه..بس انا اشوف اللي اتسوونه غلط واخرتها صدقوني بتطيحون في مصيبه...
ماجد	:	بعدين معاج يامريوم انتي ليش ماتبين اتوقفين مع عيال عمج ..
مريم	:	انا ماحب اوقف معاكم في الغلط
ماجد	:	شوفي عاد يامريوم
نوره	:	خلاص ياماجد مب وقت هواش الحين.. خلونا انروح انفذ خطة راشد قبل مايرجع ابوي..(يخرج الجميع.. صوت موثر رعب تقوم بادائه المجموعه من خلال جهاز مكبر صوت..ثم يقومون بطرق الباب على عسكر وتخويه بطريقه كوميديه حتى يهرب من البيت ثم يخرجون وهم يضحكون)..
ماجد	:	ياسلام عليك وعلى خططك الجهنمية يارشود يا عبقرى يافنان..

نوره	:	مابغينا انطفشه من البيت
مريم	:	مستانسين هاه تدرون لو ابوكم عرف اش بيسوي فيكم
ماجد	:	واش بيعرف ابوي البيت مسكون بالينانونه احنا اشلانا خص..
راشد	:	يلا خلونا انروح انام تراني عيني طالعه من التعب
ماجد	:	الحين الواحد يقدر اينام وهو مرتاح.. يلا شباب الى النوم (يخرج الجميع.. يدخل بوماجد وعسكر)..
بوماجد	:	هدني .. هدني عليهم يا عسكر خلني اروح اسطرهم
عسكر	:	لا يا بوماجد.. بالتفاهم والعقل كل شي ايصير خصوصا مع العيال اللي في هالسن.. لازم نتفاهم معاهم
بوماجد	:	أي تفاهم يا خوك ايطردونك من البيت وانت ظيفي واتقول تفاهم..
عسكر	:	اسمعني يا بوماجد.. اول شي ابي اعرف منك شي واحد.. شنهوا سر كراهية اولادك للشرطه..
بوماجد	:	وانا اشد راني
عسكر	:	لا تدري يا بوماجد وانت اكثر واحد يدري.. واذا بتسوي روحك ماتدري انا باقولك شنهوا السر
بوماجد	:	قول

عسكر	:	انت يا بوماجد
بوماجد	:	انا.. اشلون يعني مافهمت
عسكر	:	انا بافهمك.. (يتصل بالموبايل).. جاهزين يا شباب.. زين اول ما اتصل فيكم تقتحمون المنزل.. او كي..
بوماجد	:	اشناوي اتسوي يا عسكر.. ومن اللي بيقتحم المنزل
عسكر	:	السالفه شرحها طويل يا بوماجد.. لكن اهم شي الحين انك اتساعدني لانه اللي باسويه بيكون في صالحك.. وصالح عيالك
بوماجد	:	اشلون يعني مافهمت
عسكر	:	انا ناوي لعب معا عيالك لعبة عسكر حرامي بس بطريقتي الخاصه.. اشر ايك تلعب معانه
الاب	:	تبوني اللعب معاكم باللعب معاكم.. (يضحك الاثنان).. عسكر يطفىء اضاءه صالة المنزل ويدخلان للداخل.. فاصل موسيقي يعبر عن مرور فتره زمنية قصيره.. يدخل بوماجد مسرعا)..
بوماجد	:	حرامي.. حرامي.. طلعا يا عيال في حرامي في البيت طلعا بسرعه.. (يخرج الاولاد من غرفهم)..
نوره	:	اشفيك يايبه اشصاير
بوماجد	:	تعالوا عندي اهني يا عيال في حرامي في بيتنا

ماجد	:	في بيتنا حرامي
نوره	:	وينه يابه وينه
الاب	:	نط علي من الدريشه في حجرتي
مريم	:	اتصلو بالشرطه ياعمي
ماجد	:	لا الشرطه لا..
الاب	:	الحين انت خايف من الشرطه ومب خايف من الحرامي (يدخل عسكر متكرا في هيئة لص وهو يحمل بعض المسروقات يضعها في الصاله ويدخل غرفة ماجد)..
راشد	:	اوبي ..ميود دش غرفتك جان مايبوق السوني..والبلي ستيشن..
مريم	:	اتصل بالشرطه عمي اشناطر
الاب	:	عطيني التلفون يانوره خل اتصل بالشرطه قبل مايبوق البيت كله..
نوره	:	(تحتضن الهاتف) ..لا ييه ارجوك خل ايبوق البيت بس لا تتصل بالشرطه (يدخل عسكر..وياخذ راشد ومريم يكتفهما ..ويضعهما بجانب الاغراض ثم يخرج)..
الاب	:	الحرامي خذ عيال عمكم وانتوا ساكتين ..
راشد	:	ماجد بتخلي الحرامي ايبقنا..اتصل في الشرطه اشفيك

مريم	:	اتصلي في الشرطه يانوره..تره الحرامي بيبوقني بعدين محد بينظف معاج البيت..
نوره	:	(تتصل بتردد وخوف).. ييه.. كم .. كم .. كم رقمهم
الاب	:	بعد رقم الشرطه ماتعرفينه.. 9 9 9..اتصلي بسرعه
الصوت	:	الو..قسم الشرطه معاكم..(نوره ترمي السماعه خائفه..يدخل عسكر حاملا بعض المسروقات يضعها على الارض وياخذ الاب ويضعه بجانب البقيه ويخرج)..
الاب	:	اشفيكم يا عيال اتصلوا في الشرطه قبل ما يذبحنا هالحرامي (ماجد يتصل خائفا ويسمع الصوت)..
الصوت	:	الو نعم .. قسم طواري الشرطه معاك
ماجد	:	(متلغثا).. الو..عندنا.. حر .. حر.. حر
الصوت	:	عندكم حر .. شغلوا المكيفات..(ماجد يرمي السماعه)..
الاب	:	كلم الريال يا صبي اشفيك
ماجد	:	الو في حرامي في بيتنا..(يرمي السماعه)..
الاب	:	حسبي الله عليك من صبي كلم الريال بسرعه قبل ما يرجع الحرامي ويذبحنا..(نوره تاخذ السماعه)..
نوره	:	الو.. في يتنا حرامي تعالوا الله ايخليكم بسرعه صيدوه..
الصوت	:	عنوان المنزل لو سمحتي

نوره	:	هاه..
الاب	:	اشفيج انطرمتي
نوره	:	ايقول عنوان المنزل لوسمحتي
الاب	:	اشدعوه عنوان بيتنا مب حافظته.. قولي له 55 شارع ابي عباد منزل رقم 9
نوره	:	ابوي ايقول 55 شارع ابي عباد منزل رقم..منزل رقم نسيت يبه..
الاب	:	منزل رقم 9
نوره	:	ايقول منزل رقم 9
الصوت	:	شكرا دقايق واتكون الشرطه عندكم..(نوره ترمي السماعه يدخل عسكر حاملا بعض المسروقات)..
عسكر	:	يلا جدامي كلكم اشوف.. يلا شيلو الاغراض انت وياها..
نوره	:	(تهمس لماجد).. ياربي اشفيهم الشرطه تاخروا هالكتر
ماجد	:	كله مني ومنج احنا السبب لو اتصلنا فيهم من قبل جان ماتاخروا الحين..
عسكر	:	يلا اتحركوا انتوا الاثنين اشفيكم واقفين..(يدخل شرطيان)
شرطي	:	سلم نفسك يالحرامي احسن لك..ترا المنزل محاصر.. (يقبضان على عسكر)..

الاب	:	مشكورين يا جماعة وماقصرتوا
شرطي	:	احنا ماسوينا غير الواجب.. والشرطه في خدمة الشعب..
الاب	:	سلموا عليهم يا عيال واشكروهم
ماجد	:	(يسلم مترددا).. شكرا.. (وكذلك نوره)
نوره	:	شكرا
عسكر	:	(يكشف عن وجهه).. وانا مابتقولون لي شكرا
ماجد	:	عمي عسكر
عسكر	:	أي عمكم عسكر..
نوره	:	عمي عسكر اهو الحرامي
عسكر	:	نعم.. انا عسكر وانا الحرامي.. سامحوني يا عيال انا اضطريت اسوي هالهخطه مع ابوكم علشان اعطيكم درس وايد مهم في حياتكم..
الاثنان	:	خطه
الاب	:	أي نعم يا عيالي كانت لعبة عسكر حرامي
راشد	:	يعني اشلون
عسكر	:	يعني كل اللي صار جدامكم عباره عن تمثيليه مثلناها عليكم انا وابوكم..
نوره	:	والشرطه اللي احنا اتصلنا فيهم

عسكر	:	انا حولت التلفون عند واحد من ربعي وهو اللي كان ايرد عليكم..
راشد	:	زين والشرطه هاذيلا..
عسكر	:	هاذول شرطه حقيقيين ومن اعز اصدقائي في المعسكر اخذت لهم تصريح من عملهم علشان ايوقفون معاي وايساعدوني.. واهمه ماقصروا...
نوره	:	وشنهورا الدرس اللي بغيت اتعلمنا اياه ياعمي
عسكر	:	الدرس يا عيالي ان الشرطه مانوجدت علشان اتخوف الناس واتقطهم في السجن.. لايايبه.. الشرطه موجوده في خدمة الشعب علشان تحفض لهم الامن والامان في البلاد. الشرطه موجوده علشان تسه على راحة المواطنين الشرطه موجوده علشان تحميكم من الحراميه واللصوص مثل ماشفتوا قبل اشوي.. دور رجال الشرطه مهم وكبير في المجتمع يا عيالي..
نوره	:	بصراحه ياعمي ابوي اهو السبب من يوم واحنا صغار وهو ايخوفنه بالشرطه
ماجد	:	عدل كلام اختي.. كلما سويينا شي قال بانادي لكم الشرطي ايقطكم في السجن..

نوره	:	علشان جذي احنا صرنا مانحب الشرطه..
عسكر	:	وهذا الغلط يا عيالي.. (الجمهور).. هذا الغلط يا جماعة.. انتوا عارفين اشكتر الاطفال وهم في سن صغيره حساسين ويتاثرون باي شي انقله لهم.. والخوف اللي زرعه بوماجد في نفوس عياله واهمه اطفال انعكس عليهم بالتالي لما كبروا.. وقبل مانسى يا جماعة الخير في نقطه ثانيه ومهمه احنا شفناها قبل اشوي.. الاولاد اللي مب عارفين ارقام تلفونات وعناوين بيوتهم.. المفروض انعلمهم اياها من عمر سنتين وثلاث لازم ا يكون الطفل حافظ رقم تلفون البيت والعنوان. وحتى ارقام الشرطه في المستشفيات. سبحانه الله ايصير أي ظرف طاري ولا أي شي.. ا يكون الطفل على الاقل عارف وقادر ايتصرف..
بوماجد	:	مشكور يا عسكر وماقصرت.. انت اليوم عطيتنا درس عمري ما بنساه لانا ولا عيالي..
نوره	:	احنا انحبك عمي عسكر
ماجد	:	ومن اليوم اورايح بنحب الشرطه
عسكر	:	وانا بعد احبكم.. (يقدم لهم الملابس العسكريه) واتمنى اشوفكم لما تكبرون في القطاع العسكري لابسين هذي الملابس

العسكريه الجميله وتخدمون مجتمعكم ووطنكم..(اغنية الختام وهي تعبر عن اهمية دور الشرطه في المجتمع وكذلك تشجيع الطفل على الانخراط في السلك العسكري)..		
عبدالواحد محمد 2003/8/17		